

USPJEŠNA PRIČA CENTRA ZA PRUŽANJE PRAVNE POMOĆI TI BIH:



APOTEKE u Brčko Distriktu

Zaposlenici Centra za pružanje pravne pomoći u borbi protiv korupcije Transparency International BiH su održali sastanak sa predstavnikom magistara farmacije sa područja Brčko distrikta zbog postojanja sumnje da Odjel za zdravstvo u vladi Brčko distrikta dozvoljava nezakonito poslovanje pojedinih privatnih apoteka na području Brčko distrikta. Konkretno, predstavnik magistara farmacije koji su ujedno i vlasnici nekoliko apoteka na području Brčko distrikta su se žalili da pojedini vlasnici apoteka u distriktu obavljaju apotekarsku djelatnost suprotno Zakonu o zdravstvenoj zaštiti Brčko distrikta i entitetskim Zakonima o apotekarskoj djelatnosti.

Konkretno radi se o izigravanju entitetskih Zakona o apotekarskoj djelatnosti koji propisuju da privatnu praksu u apotekarskoj djelatnosti može samostalno obavljati magistar farmacije pod uslovom da nije u radnom odnosu, odnosno da ne obavlja drugu samostalnu djelatnost. Podnosioci prijave naveli su da je u apoteci „Ema“ u Donjem Žabaru u Republici Srpskoj zaposlena osoba po imenu Avdić Minela magistar farmacije sa važećom licencom, koja istovremeno radi i u drugim apotekama na području FBiH, te da ista samo fiktivno radi u apoteci „Ema“. Avdić Minela prema navodima podnosioca prijave ima dvije licence, jednu izdatu od Farmaceutске komore RS broj 01/790 koja važi do 30.11.2015.g. i drugu izdatu od Međukantonalne farmaceutске komore FBiH broj 1008/10 što je u suprotnosti sa entitetskim Zakonima. Takođe, podnosioci prijave naveli su da su u apoteci „Ema“ u Brčko distriktu zaposlena lica po imenima Etelka Košpal i Dragan Branković, oboje magistri farmacije sa važećim licencama, ali istovremeno zaposleni i u drugim apotekama na području Republike Srpske ili Republike Srbije, te da isti samo fiktivno rade u apoteci „Ema“.

Vlasnici apoteka sa područja Brčko distrikta koji su posjetili TI BIH istakli su da su više puta upozoravali na ovu pojavu, te da su se između ostalih, obraćali i Odjelu za zdravstvo u Vladi Brčko distrikta, entitetskim Ministarstvima zdravstva i entitetskim Farmaceutskim komorama, međutim izostale su aktivnosti na rješavanju ovog problema.

Iz tog razloga TI BIH se obratio pomenutim institucijama sa pozivom na Zakon o slobodi pristupa informacijama, te tom prilikom tražio od nadležnih institucija da nas informišu o preduzimanju mogućih koraka na rješavanju ovog problema. Prvi odgovor na zahtjev za pristup informacijama stigao je od Farmaceutске komore Republike Srpske u kom su obavjestili TI BIH da je ova komora pokrenula postupak za oduzimanje licence protiv Etelke Košpal pred Sudom časti Farmaceutске komore.



Imenovanj je oduzeta licenca za obavljanje apotekarske djelatnosti zbog toga što je istovremeno bila zaposlena u apoteci „Ema“ u Pelagićevu i u apoteci na teritoriji države Srbije, te posjedovala dvije licence. Takođe, istim dopisom TI BiH je obavješten da je prema saznanjima Farmaceutске komore RS u apoteci „Ema“ u Pelagićevu trenutno zaposlena Avdić Minela.

Imajući u vidu činjenicu da su podnosioci prijave upozoravali TI BiH i ostale institucije da Avdić Minela takođe posjeduje dvije licence na osnovu kojih istovremeno radi i u drugim apotekama na području RS i FBiH i Brčko distrikta, te da ista samo fiktivno radi u apoteci „Ema“, TI BiH se ponovo obratio Farmaceutskoj komori RS, kao i Međukantonalnog farmaceutskoj komori FBiH uz dostavu dokumentacije koja potvrđuje navode podnosioca prijave, s molbom da se navedeni slučaj ispita.

Iz Farmaceutске komore RS smo obavješteni da je u postupku izdavanja licence pred ovom komorom Avdić Minela priložila svu potrebnu dokumentaciju, te da je po službenoj dužnosti izvršena provjera da li imenovana posjeduje licencu pred drugim Komorama. Od Međukantonalne farmaceutске komore FBiH Farmaceutska komora RS je zaprimila zvaničnu obavjest da Avdić Minela nije član te komore. Međutim, radi potpune sigurnosti, Farmaceutska komora RS se ponovo obratila Međukantonalnoj komori FBiH u cilju provjere navoda podnosioca prijave. Iz Međukantonalne komore je pristigao odgovor da su nakon pregleda dokumentacije ustanovili da je došlo do greške, te da Avdić Minela posjeduje licencu Međukantonalne farmaceutске komore FBiH.

Iz navedenog se izvlači zaključak da su podnosioci prijave bili u pravu, da su vlasnici apoteke „Ema“ prekršili propise o apotekarskoj djelatnosti jer su u dva slučaja angažovali farmaceute koji su imali duple licence. Takođe, navedeni slučaj je i primjer lošeg poslovanja i nevođenja evidencije od strane Međukantonalne farmaceutске komore FBiH. Propusti u radu ove Komore doveli su do toga da se jednom farmaceutu nezakonito izdaju dvije licence, na osnovu kojih je mogao obavljati apotekarsku djelatnost u oba entiteta.



Nakon nekog vremena TI BiH je zaprimio zvanične akte obje entitetske farmaceutске komore da su licence Avdić Minele stavljene van snage, te da je ista isključena iz članstva obje komore.

Iako se TI BiH više puta obraćao Odjelu za zdravstvo u Vladi Brčko distrikta, te tražio informacije o tamošnjim apotekama i dostavljao informacije o neregularnostima u poslovanju i dvojnoj praksi, nepotpun odgovor ove institucije smo dobili tek nakon intervencije Institucije ombudsmana za ljudska prava BiH. TI BiH se takođe obraćao i zdravstvenom inspektoratu u Brčko distriktu koji nije htio da postupa po prijavama vlasnika apoteka, i ukazao mu na konkretni slučaj. Zdravstveni inspektor je izvršio inspekcijsku kontrolu nakon obraćanja TI BiH i ustanovio da pomenute osobe više ne rade na području Brčko distrikta.

Tužilaštvo Distrikta Brčko je početkom oktobra 2011.g. sprovelo akciju pod kodnim nazivom „Bingo“. Istraga kroz akciju "Bingo" obuhvatila 14 lica, među kojima, je i Admir Čandić šef Odjeljenja za zdravstvo. Ova lica su osumnjičena za kršenje procedura u javnim nabavkama ili namještanje tendera, za kršenje procedura prijema u radni odnos ili uzimanja mita prilikom zapošljavanja u institucije distrikta i za falsifikovanje službenih isprava.

